


釋迦方誌

上

四百卅九  
仙四

51084



釋迦方誌序上

終南太一山釋氏道宣撰

仙

惟夫大唐之有天下也將四十載淳風洽而  
 澆俗改文德脩而武功暢故使青丘丹穴之  
 候並入堤封龍砂鳥塞之區聿遵聲教膜拜  
 誓首顯朝宗之羽儀輸琛奉贄表懷柔之盛  
 德然則八荒內外前史具書五竺方維由來  
 罕述豈非時也雖復周穆西狩止屆崑丘舜  
 禹南巡不踰滄海秦皇畫野近表臨洮漢武  
 封壇關開鐵路厥斯以降遐討未詳所以崆  
 峒問道局在酒泉之地崑崙謁聖實唯玉門  
 之側至於弱水洞庭三崦九隴燕然龍勒沙



障黎河具曆夏書咸圖雍部及博望之尋河也創聞大夏之名軒皇之遊夢也初述華胥之國貳師之伐大宛定遠之開鐵門由余入秦日磧仕漢聲榮覆於葱嶺帝德亘於者山赫弈皇華其徒繁矣而方土所記人物所宜風俗之沿革山川之卓詭雖陳之油素略無可紀豈不以經途遼遠遊詣之者希乎以事討論縱有傳說皆祖行人信非躬覩相從奔競虛為實錄何以知其然耶故積石河源西瞻赤縣崑崙天柱東顧神州鳴砂以外咸稱胡國安用遠籌空傳緗簡是知身毒之說重譯臻焉神異等傳斷可知矣自佛教東傳

榮光燭漢政流十代年將六百輔軒繼接備  
盡觀方百有餘國咸歸風化莫不梯山貢職  
望日來王而前後傳錄差牙不同事迹罕迷  
稱謂多惑覆尋斯致宗歸譯人昔隋代東都  
上林園翻經館沙門彥琮著西域傳一部十  
篇廣布風俗略於佛事得在洽聞失於信本  
余以為八相顯道三乘陶化四儀所設莫不  
逗機二嚴攸被皆宗慧解今聖迹靈相雜沓  
於華胥神光瑞影氤氲於宇內義須昌明形  
量動發心靈洎貞觀譯經嘗叅位席傍出西  
記具如別詳但以紙墨易繁閱鏡難盡佛之  
遺緒釋門共歸故撮綱猷略為二卷貽諸後

學序之云介

釋迦方誌一部八篇

封壇篇第一

統攝篇第二

中邊篇第三

遺跡篇第四

遊履篇第五

通局篇第六

時任篇第七

教相篇第八

仰尋諸佛之降靈也不可以形相求之隨機  
顯晦故得以言章述矣然學教者統舉為先  
傍窮枝葉終非遠致故於篇首標其致焉  
釋迦方誌卷第一

封壇

統攝

中邊

遺跡

釋迦方誌封壇篇第一

佛之所王土也号曰索訶世界即古翻經為  
娑婆矣經中所謂忍土者也謂此土人強識  
力念能忍苦樂堪任道器故佛王之案此封  
壇周輪鐵山山外是空空不可測山下是地  
地下是金金下是水水下是風其風堅實逾  
於金剛衆生心力同業所感能持世界不令  
傾墜自風以外即是虚空約此周輪從下而  
上至無色窮名為有頂論其盡界縱廣所經  
率非里數之所度也且如智度論從色界天  
下一大石經一万八千三百八十二年方始  
至地約此上下方維名為一佛所王土地以  
大千鐵圍而  
為封壇之域

釋迦方誌統攝篇第二

按索訶世界鐵輪山內所攝國土則万億也  
何以知之如今所住即是一國國別一蘇迷  
盧山即經所謂須弥山也在大海中據金輪  
表半出海上八万由旬日月迴薄於其霄也  
外有金山七重圍之中各海水具八功德其  
外鹹海廣於無際海外有山是鐵所成四周  
繞之海中可居者大略有四即約蘇迷山用  
分方面東洲名毗提訶南洲名瞻部西洲名  
瞿陀居北洲名拘盧也此之四洲亦名四有  
人之所居佛之所王准此傍及鐵圍海內唯  
有四洲蘇迭山已上二十八天并一日月為一



國土即此爲量數至一千鐵圍都繞名小千  
世界即此小千數至一千鐵圍都繞名中千  
世界即此中千數至一千鐵圍都繞名爲大  
千世界按此三千大千世界其中四洲山王  
日月乃至有頂則有万亿之所皆爲佛之統  
攝俱遵聲教

釋迦方誌中邊篇第三

惟夫法王所部則大千之內攝焉若據成都  
則此洲常爲所住故此一洲則在蘇迷山南  
之海中也水陸所經東西二十四万里南北  
二十八万里又依論說三邊等量二千由旬  
南邊三由旬半是則北闊而南狹人面象之

又依凡記人物所居則東西一十一萬六千里南北遠近略亦同之所都定所則以佛所生國迦毗羅城應是其中謂居四重鐵圍之內故經云三千日月萬二千天地之中央也佛之威神不生邊地地為傾斜故中天竺國如來成道樹下有金剛座用承佛焉據此為論約餘天下以定其中若當此洲義約五事以明中也所謂名里時水人為五矣所言名者咸謂西域以為中國又亦名為中天竺國此土名賢談邦之次復指西字而為中國若非中者凡聖兩說不應名中昔宋朝東海何承天者博物著名群英之最問沙門惠嚴曰

佛國用何曆術而号中乎嚴云天竺之國夏至之日方中無影所謂天地之中平也此國中原影圭測之故有餘分致曆有三代大小二餘增損積筭時輒差候明非中也承天無以抗言文帝聞之乃勅任豫受焉夫以八難所標邊地非攝出凡入聖必先中國故大夏親奉音形東華晚開教迹理數然矣

二言里者夫此一洲大分三量二分以北土曠人希獯狁所居無任道務一分以南盡于三海人多精爽堪受聖化故約道勝大聖都焉故成光子云中天竺國東至振旦國五万八千里

振旦即神州之

号振也彼人目之南至金地國五万八

千里西至阿拘遮國五万八千里北至小香山阿耨達池五万八千里觀此通攝取其遐邇齊致以定厥中其理易顯

三言時者謂雪山以南名爲中國坦然平正冬夏和調卉木常榮流霜不降自餘邊鄙安足語哉 四言水者此洲中心有一大池名阿那陀荅多唐言無熱惱也即經所謂阿耨達池在香山南大雪山北居山頂上非凡所至池周八百里四岸寶飾正南當於平地地獄所居故金剛座東僻五千里又池正南當洲尖處其北當謎羅川即北又當葱嶺北千泉也上空定約當北辰星今望第五似如西

欵且天上一寸地下一千千泉去京八千餘  
里焉 約天無一尺矣其池北去鉢露羅  
國減千里東南屈露多國西南屬賓國各千  
餘里然四海為壑水趣所極故此一池分出  
四河各隨地勢而注一海故葱嶺以東水注  
東海達觀以南水注南海雪山以西水注西  
海大秦以北水注北海故地高水本注下是  
其中此居海濱邊名難奪又佛經宏大通舉  
事周博見聖賢義非妄委於上所列咸符地  
圖然此神州所著書史寓言臆度浮濫極多  
時約佛經更廣其類都皆蕪穢試為舉之  
水經云無熱丘者即崑崙山

又扶南傳云阿耨達山即崑崙山 又山

海經云南流沙濱赤水後黑水前有大山名

崑崙丘 又云鍾山西六百里有崑崙山

出五水 按穆天子傳云春山音鍾又云

海內崑崙丘在西北帝之下方八百高万仞

又十州記云崑崙陵即崑山也在北海亥地

去岸十三万里此約拍佛經蘇迷山也

又東海中山名方丈亦名崑崙

又云西王母告周穆云山去咸陽三十六万

里高平地三万六千里

又周穆傳述西王母云去宗周瀍澗一万一

千一百里 神異經崑崙山有銅柱其高

入天園三千里榮氏注云柱洲崑崙山東南  
萬二千里有無外山 史記云崑崙山

去嵩高五萬里高萬一千里郭璞云高二千

五百餘里 淮南云高萬一千一百里

十四步二尺六寸

道經造立天地記云崑崙崙山高四千八百里

轉形濟苦經云高萬九千里 又云此山

飛浮 又云崑崙山南三十里次第有千崑

山名小千世界 化胡經云崑崙山高九重

相去各九千里 又云高萬萬五千

里 已前儒道兩說雖形量差異莫越崑

崙尋崑崙崙近山則西涼酒泉之地穆后見西

王母之所具彼圖經若崑崙遠山則香山雪  
山之中也河源出焉故爾雅云河出崑崙墟  
郭璞圖贊云崑崙三層号曰天柱實惟河源  
水之靈府按禹貢云導河自積石者但據伏  
流所出處而名之若討本源誠有由矣故佛  
經云此無熱池東有銀牛口出苑伽河即古  
所謂恒河也右繞池而流入東南海南有金  
象口出信度河即古辛頭河也右繞池而流  
入西南海西有瑠璃馬口出縛葛河即古博  
叉河也如上繞池入西北海北有頗胝師子  
口出徙多河即古私陀河也如上繞池入東  
北海按河圖云崑崙山東方五千里名曰神



州亦名赤縣又依書云河源東北流出葱嶺  
岐沙谷分爲兩水東北支流經于闐南山於  
國西北出又東流大河經竭盤陀城東南又  
經踈勒國西又東北至城下又迴流國南五  
百餘里至烏鎡國南又東北至踈勒國北六  
百一十里至烏孫界赤谷城又東二百七十  
里經姑墨國南又東六百七十里經龜茲國  
南又東三百五十里經烏疊國南此即漢時  
都護所治也西南去踈勒二千一百一十里  
東南去鄯善國千七百八十五里東北去烏  
耆國四百里河又東南三百四十里經渠梨  
國南又東二百四十里經黑山國南此東去

玉門關二千六百六十里河又東經連城注  
賓城南沮沫國北合支水河又東經婁蘭地  
又東經鄯善國城南過東北數百里入蒲昌  
海其海東面少北去玉門一千三百里又東  
北去陽關三百里此河於蒲昌伏流南而少  
西數千里入積石山在羌燒党中書云積石  
去崑崙丘千七百四十里或云伏流萬三千  
里斯諸臆說難以究詳河出積石西南流九  
屈東北合流經折支地是爲河西又東北入  
塞過燉煌張掖南是爲河源矣按此實錄以  
尋河源窮至無熱惱池所方爲討極然此池神  
居非人所及又是北天雪山之域南接中土

佛生之地以處高勝故非邊矣

五謂人者不出凡聖凡人極位名曰輪王聖人極位名曰法王蓋此二王不生則已生必居中又山川國邑人之依報人勝則依勝故此二王居焉又輪王有四王約統四洲金輪王者則通四有銀輪三方除北一洲銅輪二方除西北方鐵輪在南除於三方言瞻部者中梵天音唐言譯爲輪王居處言四輪王通局乃殊任必南方也古翻此洲云好金地謂閻浮檀金在洲北岸海中金光浮出海上其傍有閻浮樹林其果極大得神通者方至於彼今言此洲輪王得名兩設其致耳

又此一洲四主所統雪山已南至于南海名象主也地唯暑濕偏宜象住故王以象兵而安其國俗風躁烈篤學異術是爲印度國然印度之名或云賢豆或云天竺或云身毒天篤等皆傳之訛僻耳然以印度爲正唐無以翻雪山之西至于西海名寶主也地接西海偏饒異珍而輕禮重貨是爲胡國雪山以北至于北海地寒宜馬名馬主也其俗凶暴忍煞衣毛是突厥國雪山以東至于東海名人主也地唯和暢俗行仁義安土重遷是至那國即古所謂振旦國也上列四主且據一洲分界而王以洲定中輪王爲正居中王邊

古今不改此土諸儒滯於孔教以此爲中餘  
爲邊攝別指雒陽以爲中國乃約軒轅五岳  
以言未是通方之巨觀也又指西蕃例爲胡  
國然佛生遊履雪山以南名婆羅門國與胡  
隔絕書語不同故五天竺諸婆羅門書爲天  
書語爲天語謂劫初成梵天來下因味地脂  
便有人焉從本語書天法不斷故彼風俗事  
天者多以生有所因故也胡本西戎無聞道  
術書語國別傳譯方通神州書語所出無本  
且論書契可以事求伏羲八卦文王重爻蒼  
頡鳥迹其文不行漢時許慎方出說文字止  
九千以類而序今漸被世文言三万此則隨

人隨代會意出生不比五天書語一定上以  
五義以定中邊可以鏡諸餘如隋初魏郡沙  
門靈裕聖迹記述

釋迦方誌遺跡篇第四

自漢至唐往印度者其道衆多未可言盡如  
後所紀且依大唐往年使者則有三道依道  
所經且覩遺跡即而序之其東道者從河州  
西北度大河上曼天嶺減四百里至鄯州又  
西減百里至鄯城鎮古州地也又西南減百  
里至故承風忒是隨互市地也又西減二百  
里至清海海中有小山海周七百餘里海西  
南至吐谷渾衙帳又西南至國界名白蘭羌

北界至積魚城西北至多弥國又西南至蘇  
毗國又西南至敢國又南少東至吐蕃國又  
西南至小羊同國又西南度咀倉去關吐蕃  
南界也又東少南度末上加三鼻關東南入  
谷經十三飛梯十九棧道又東南或西南緣  
葛攀藤野行四十餘日至北印度尼波羅國  
此國去吐蕃約為九千里其中道者從鄯州東川行百餘  
里又北出六百餘里至涼州東去京師二千  
里從涼西而少北四百七十里至甘州又西  
四百里至肅州又西少北七十五里至故玉  
門關關在南北山間又西減四百里至瓜州  
西南入磧三百餘里至沙州又西南入磧七

百餘里至納縛波故國即婁蘭地亦名鄯善

又西南千餘里至折摩陀那故國即沮沫地

又西六百餘里至都羅故國皆荒城耳又西

入大流沙行四百餘里至瞿薩旦那國東

境即漢史所謂于闐國也都護所居漢其關之所亦東去長安九千六百七十里

名尼壤城彼土自謂于遁國也周四千餘里

沙磧大半寺有百餘僧出五千大乘學者從

關至媿摩川二百餘里有媿摩城中有栴檀

立像高二丈餘極多靈異光明疾者隨痛以

金薄帖像上便愈其像本在憍賞彌國是鄔

陀衍那王所造陵空至此國北曷勞落迦城

有異羅漢每往禮之王初不信以沙土全羅



漢乃告敬信者曰却後七日沙土滿城於後  
二日乃雨寶滿街至七日夜果雨土填城略  
無遺人其先告者預作地穴從孔而出東趣  
媿摩像亦同至有記云法滅之時像入龍宮  
也其曷勞城今爲大阜王欲掘寶必遭風變  
又於媿摩城西行三百三十里方至國城王  
都南十里有大寺先王所立面南十餘里寺  
有綵紵立像從屈支國來昔此有臣於彼禮  
敬臣還本國遙念無已像遂夜至乃捨宅爲寺  
都城西三百餘里勃伽夷城有坐像高七尺  
相好無比首有寶冠光明時現都城西百六  
十里路中大磧唯有鼠壤形大如蝟毛金銀

色昔匈奴來寇王祈鼠靈乃夜齧人馬兵器  
斷壞自然走退都城西五里許寺有浮圖高  
百餘尺多現光相王感舍利數百粒羅漢以  
右手舉浮圖安之函內乃下之無傾動也都  
城西南十餘里有瞿室餒伽山此六有寺像  
牛角現光明佛曾遊此為天人說法記其建國崇  
學大乘山巖石室有一羅漢入滅心定待慈  
氏佛數百年前崖崩塞戶其國南界接東女  
國從國城西越山谷行八百餘里至  
斫句迦國即沮渠也南境其國周千餘里佛寺十  
餘僧徒出百學大乘者國南有山立多羅塔  
松泉流茂石室深淨有三羅漢現入滅定鬚

跋恒長僧常剃之五印度僧有證果者多止  
此室又北減三百里方至都城周十餘里山  
阜連屬臨帶兩河又於國西北上大沙嶺度  
徙多河五百餘里至

佉沙國

即踈勒也

周五千餘里寺數百僧數万習

小乘有部地多石磧其俗生子壓頭匾匾從

此南行山野石磧五百餘里至

烏鐮國周千餘里都城周十餘里南臨徙多

河信佛法寺十餘所僧減千人習小乘學城

西二百餘里至大山嶺上有塔數百年前山

崖自崩中有比丘冥目而坐形甚偉大頭髮

下垂覆于肩面國王以蘇油灌之擊犍槌比

丘高視曰我師迦葉波也今始乃聞已涅槃  
耶又問釋迦佛出世耶告云已滅度矣即昇  
空火化焚身其土出白瑩青玉等從國城西  
度河登葱嶺東崗八百餘里至福舍其地在  
四山之中方百餘頃無樹木有細草緣如別  
說又西南踰大嶺至

揭盤陀國周二千餘里都城周五十餘里北  
背徙多河敬佛法寺十餘僧五百餘人小乘  
有部其國東南大石室二口各一羅漢入滅  
心定經七百餘歲其鬚髮生年別為剃又西  
北行三百餘里方至王都東南臨徙多河山  
嶺連屬又西少南登山冰雪五百餘里至波

謎羅川東西千餘里南北百餘里或無十里  
據南北大雪山間地鹹鹵多石草木希少絕  
無人住川南越山有鉢露羅國此川在大葱  
嶺上贍部一洲地最高也中有大龍池東西  
三百餘里南北五十餘里大邠出焉其水西  
流至達摩悉帝國東界與縛芻河合故此已  
西水並西流東出一流東北至佉沙國西界  
與徙多河合自此諸水皆東流也龍池正南  
當無熱池北當千泉川南當池大嶺名婆羅  
犀羅南北三四百里山地極高池北即大蔥  
嶺也水經云高可千餘里兩邊漸下南北豎  
嶺行數極多百餘條矣多有山葱崖嶮葱翠

因以名焉嶺南接大雪山北至千泉應有二  
千五百許里東極烏殺西達活國應三千餘  
里又從川西南入山險七百餘里至商弥國  
周二千六百里土出雌黃國人信佛寺有二  
所僧亦少耳北越達摩悉帝大石山至尸棄  
尼國周二千餘里山磧連野又南越山河至

達摩鐵悉帝國

一名鐵侃國  
一名護密國

即覩貨羅之故

地也在兩山間東西千五百里南北減百里  
或狹不踰里東臨縛蒟河寺有十餘僧數蓋  
少城寺石像上懸金銅圓蓋衆寶飾之人有  
旋繞蓋亦隨轉人止便止四周石壁莫測其  
然有說聖力使之或謂機關之秘又西南登

山入谷五百餘里至

屈浪拏國亦故地也周二千餘里少有信向  
又西北踰嶺三百餘里至

淫薄健國亦故地也周千餘里都城十餘里  
又西北山谷行二百餘里至

鉢鐸創那國亦故地也周二千餘里都城山  
崖上周六七里寺有四所僧亦少耳山谷西  
行二百餘里至

呬摩咀羅國亦故地也周三千餘里山川相  
半堅城數十西越山谷三百餘里至

訖栗瑟摩國亦故地也東西十餘里南北三  
百里都城周十五里北至

鉢利曷國亦是故地廣百餘里南北三百餘里都城二十餘里又從訖栗國越峻入洞經川城三百餘里至

曹健國亦是故地周四百餘里都城周十六里北渡河至

阿利尼國亦故地也周

三百餘里帶縛芻河兩岸大城周十五里東渡河至

遏羅胡國亦故地也北臨前

河周二百餘里大城周十五里又從曹健國西行百餘里出葱嶺西頭尋山而下至

活國亦是故地周二千餘里王城周二十餘里其王突厥也鐵門已南諸小國多屬突厥地安平俗多信佛寺十餘僧數百大小兼學



西至

縛曷國四五百里東南越山谷諸城三百餘里至

闊悉多國亦是故地國周減千里都城十餘里山多川狹極甚風寒僧寺三所衆亦少耳東南入谷越嶺度諸小城四百餘里至

安坦羅縛國亦是故地周三千餘里王城周十五里屬突厥寺有三所僧有數十有育王一塔山阜連屬極寒厲也從此西南上大雪山婆羅犀羅嶺東頭經三日行又至極頂通望瞻部一洲諸山並皆四下又尋嶺下行亦三日極峻曲谷鑿冰而度西經迦畢忒國邊

城小邑數十又西南數百里方至王都又西少南一千三百里越山川至

弗栗恃薩償那國廣二千餘里南北千餘里王城周二十餘里信佛法從此南行五百餘里至

漕矩吒國

亦曰早利

周七千餘里王城周三十餘

里山川相半寺有百數僧徒數万皆學大乘育王塔十所天祠數十計多外道也土宜鬱金香草出興瞿草生羅摩印度川南境穠那呬羅山王城東南二千餘里至西印度伐刺拏國方合北道南趣佛國

其北道入印度者從京師西北行三千三百

餘里至瓜州又西北三百餘里至莫賀延磧  
口又西北八百餘里出磧至柔遠縣又西南  
百六十里至伊州又西七百餘里至蒲昌縣  
又西百餘里至西州即高昌故地漢時宜禾  
都尉所治處也後沮渠涼王避地於彼今爲  
塞內又西七百餘里至

阿耆尼國

即烏耆也

東西六百餘里南北四百餘

里都城周六七里僧寺十餘二千餘人並學  
小乘說一切有戒行精勤食三淨肉從此黑  
嶺胡類羣分重財輕義無禮無敬婦尊夫卑  
良賤一等吉素凶皂以爲服制又西南行二  
百餘里踰一小山越二大河川行七百餘里

至屈

反居勿

支國

即丘慈也

東西千餘里南北六百

里城周十七八里寺有百餘僧五十餘並學  
小乘說一切有如上三淨俗大信佛王城民  
宅多樹像塔不可勝記東境大城中有天祠  
池龍時出與牝馬合而生龍駒初生懼戾子  
方馴駕故國多善馬近王名金花者感龍馭  
乘王欲終時鞭觸其耳因即潛隱與人婦通  
生子驍勇王搆突厥殺此城人故令空荒城  
北四十餘里東昭怙釐寺佛堂中有玉石方  
二尺上有佛足迹長尺八寸廣六寸齋日放  
光王城西門外路左右有立佛各高九十餘  
尺於此建場五年一會西有阿奢理貳寺唐

言竒特也昔王外遊觀禮聖迹母弟留守因  
自割勢爲防讒搆王深異之弟後遇人糲五  
百牛遂愍贖之慈善根力男形歿生遂不入  
宮王訝竒特故因置寺又西經小磧六百餘  
里至跋祿迦國古名姑墨又名西墨東西六百餘里南  
北三百餘里王城周五十里寺數十僧千餘  
人並小乘學西北行三百餘里度石磧至凌  
山即葱嶺北原也水多東流此路不得赭衣  
持瓠及聲叫有犯者龍能飛風雨沙遇必皆  
沒山行自西四百餘里至大清池又名熱海又名鹹海  
周千餘里東西長四面有山行人祈福又西  
北五百餘里至素葉水城周六七里商胡雜

居已西數十孤城亦尔又西四百餘里至千  
泉泉涌多出方二百餘里南面雪山三垂平  
陸又西百五十里至咀邏私城又西南二百  
餘里至恭御城又南五十里至

笈

故奴

赤建國周千餘里又西二百餘里至赭

時國

唐言石國

周千餘里西臨葉河又東南千餘

里至

怖

敷世

捍國周四千餘里山周四境又西行千

餘里至

窳覩利瑟那國周千四百里東臨葉河葉河

出葱嶺北西北流又西北入大磧應五百餘

里至

颯未建國

唐言康國

周千六百餘里南北

狹都城周二十餘里處極險固自此東南至

弭末賀國

宋國也

周繞四五百里東西狹又西

北至

劫布咀那國

曹國也

周千四五百里東西長又

西三百餘里至

屈霜你迦國

何國也

周同曹國而東西狹又西二百餘里至

喝捍國

東安國也

周千餘里又西四百餘里至

捕捍國

中安國也

周千七百餘里東西長又西四

百餘里至

伐地國

西安國也

周四百餘里又西南行五百餘

里至貨利習弥國順縛荔河兩岸東西可三

十里南北五百餘里又從颯秣建國西南行

三百餘里至

羯霜那國

去史國也

周可千五百里又西南二百

餘里入大山山路絕險又少人物東南山行

三百餘里至鐵門關左右石壁其色如鐵鐵

固門扉懸鈴尚在即漢塞之西門也出鐵門

關便至覩貨邏國

古吐火羅也

之故地南北千餘

東西三千餘東拒葱嶺西接波斯南大雪山

北據鐵門縛菊大河中境西流其中自分二

十七國僧以十二月十六日安居由溫熱多

雨故也順河北下至

咀蜜國東西六百餘南北四百餘王城周二

十餘里寺十數所僧出千人大有窳覩波

即古塔之



別名如偷婆等佛像靈異又東至

赤鄂衍那國東西四百里南北五百餘王城周十餘里寺五所僧少又東至

忽露摩國東西百餘南北三百餘王城周十六七里寺有二所僧百餘耳東至

愉俱朔漫國廣四百餘里縱百餘里王城周十餘

里寺二所僧亦不多西南臨縛菊河便至鞠和衍那國廣二百餘里縱三百餘里王城十餘里寺三所僧百餘又東至

鑊沙國廣三百餘里縱五百餘里王城周十六七里又東至 珂咄羅國廣縱千餘里

王城周二十餘里東接葱嶺至

拘謎陀國廣二千餘里縱二百餘里據大葱  
嶺之中王城周二十餘里西南臨縛菊河國  
南接尸棄尼國南度此河至達摩悉帝等國  
如前中道所引也又從鐵門南而少東五百  
餘里至縛喝國一道拘謎西南至縛伽浪國  
廣五十餘里長二百餘里都城十餘里又南至  
訖露悉泯健國周千餘里都城周十五里許  
又西北至

忽憐國周八百餘里都城周十五里餘寺十  
餘僧五百又西至

縛喝國廣八百餘里縱四百餘里北臨縛菊河  
王城周二十餘里俗美其國詔為小王舍城寺

有百餘僧三千餘人並小乘學城外西南有

納縛

此云新也

寺在雪山北作論諸師贊重此寺

基業不替像鑿名珍毗沙門像衛之突厥業  
護欲襲寺取寶屯軍寺側夜夢天王長戟貫  
脅可汗心痛因尔便死堂中有佛澡罐受可  
斗餘雜色煜燿金石難名又有佛牙長寸餘  
廣八九分色黃白而光淨佛掃帚者用迦奢  
草長二尺餘圍可七寸雜寶飾柄三物齋日  
法俗所感放大光明有大浮圖高二百餘尺  
金剛泥塗以寶莊之有佛舍利時放神光又  
諸羅漢入涅槃者示通立塔雖有證果不現  
通者則不封樹王城西北五十餘里有提謂

城王城正北四十餘里有波利城各有浮屠  
高三丈許即釋迦開元獻麩長者髮爪之所  
建也又有佛僧伽胝鬱多羅僧僧却崎又覆  
鉢豎錫杖次第安布立塔儀式王今依崇建城  
西七十里迦葉波佛時所建浮屠高二丈餘  
又從大城西南入雪山河三十餘里至  
銳末陁國廣五六里縱百餘里王城周十餘  
里又西南行三百里至  
胡寔健國廣五百餘里縱千餘里王城周二十  
餘里多山川又西北至  
但刺健國廣同前縱五十餘里王城十餘里  
西接波刺斯國界又縛喝國東至忽慄國於

此東南至紇露悉泯健國千餘里於此北近  
縛伽浪國東西五十餘里此國東北接活國  
又從縛喝國南百餘里至

揭職國廣五百餘里縱三百餘都城周五里許  
寺十餘僧三百餘人並小乘學陵阜相連東  
南入大雪山六百餘里出覩貨羅故地又至  
梵衍那國廣二千餘里縱三百餘里在雪山中  
城依巖險寺有數十僧數千人學小乘出世  
部王城東北山河有大石佛高一百五十尺  
金寶莊飾又東寺左有鑰石釋迦立像高百  
餘尺分身別鑄合成立之城東三里寺有涅  
槃卧素佛長千餘尺亦金寶莊之東南二百

餘里度大雪山東寺有佛齒及劫初獨覺齒  
長五寸餘廣減四寸又有金輪王齒長三寸  
廣二寸 又有商諾迦縛娑即商那和脩大

阿羅漢鐵鉢受九升許并九條僧伽胝絳赤  
色設諾草皮之所績成以其先世於解夏日  
持此草施僧福力所被五百中陰身生恒服  
之從胎俱出逐身而長阿難度時變為法服  
受具已後又變為九條其齒鉢等並金緘之  
羅漢證滅入邊際定智願力故留袈裟待遺法  
盡方乃變壞今已少損信有徵矣大雪山東  
至小川澤東入雪山踰黑嶺至  
迦畢試國周四千餘里北背雪山三垂黑嶺

都城周十餘里寺有百餘僧六千餘人多學  
大乘其王信佛歲造丈八銀像自修供之天  
祠數十異道千餘人 王城東三里北山下  
有大寺佛院東門南大神王像右足下有大  
寶藏近有外王逐僧欲掘神冠中鸚鵡鳥像  
奮羽嗚呼地動王軍皆仆起謝而歸寺北嶺  
上有數石室亦多藏寶欲私開者藥叉變爲  
師子虵虫來震怒之室西三里大嶺上有觀  
自在像誠願者像示妙身安言行者城東南  
三十餘里曷邏怛羅寺大臣所造以名目之  
浮屠高百餘尺昔臣夜夢令造浮屠從王請  
舍利也及且至宮有人持舍利瓶臣留舍利

令人先入乃持瓶登塔覆鉢自開安舍利訖  
王使追之石已合矣齋日放光流出黑油夜  
聞音樂城西北二百餘里大雪山頂有龍池  
山下爲龍立寺塔中有佛骨肉舍利并餘有  
時煙起或如火猛焰漸滅之時方見舍利狀  
如白珠繞柱入雲還下塔中城西北大河南  
岸古王寺中有佛弱齡齟齬長一寸餘  
又此東南往古王寺有佛頂骨一片廣寸餘  
色黃白髮孔分明佛髮青色螺旋右縈引長  
尺餘卷可寸許

又西南古王妃寺金銅浮屠高百餘尺佛舍  
利并餘每十五日夜放光繞盤曉入塔中城



西南比羅婆絡山去鳥頂盤石上起塔高百

餘尺舍利升餘山北崑泉是佛受山神飯已

漱口嚼楊枝因生今為茂林寺号楊枝也

又從龍池東行六百餘里越雪山度黑嶺至

北印度界已前諸邑並名胡國至此方合中

間道也其地名曰濫波國北印度所攝也

地其五印度之境周币九万餘里三垂大海

北背雪山北廣南狹如半月也七十餘國同

一王命濫波國者在無熱池西倚北胡

活國東南三垂黑嶺北約雪山都城周十餘

里寺十餘所僧數亦少多學大乘天祠數十異

道特多東南百餘里踰大嶺大河至那伽羅

曷國

屬北印度古花氏城

廣六百餘里長二百餘里山周

四境都城周二十餘里寺多僧少天祠五所  
異道百人城東二里有石塔高三百尺編石  
特起雕鏤非常此即昔時值然燈佛敷鹿皮  
衣綏布掩泥之地也經劫猶存無憂王重法  
建此石塔以誌之每於齋日天輒雨花大衆

集觀西有佛寺次南小塔是掩泥處王避大  
路遂僻建立城內大塔故基舊有佛齒別塔  
高三丈餘云從空來既非人工寔多靈異城  
西南十餘里有塔是佛自中印度陵空來降  
迹處次東有塔是昔值然燈佛買花處  
城東南二十餘里小石嶺上塔高三百餘尺

西南深澗瀑布飛流懸崖東岸石壁大洞穴  
是龍王所居門徑狹闇昔佛於此化龍留影  
煥若真形至誠請者乃暫明現窟外方石有  
佛足跡輪相發光窟西北隅塔者佛經行處  
又側髮爪塔又說蘊界塔窟西大盤石上有  
濯袈裟紋城東南三十餘里有醯羅城四周  
險固中有重閣上安佛頂骨周尺二寸其色  
黃白髮孔分明欲知善惡香泥印之隨心而  
現有佛髑髏狀如荷葉色同頂骨有佛眼睛  
大如柰許清白映徹並七寶小塔盛前三迹  
又以寶函盛而緘封有佛大衣細氎黃色置  
寶函中微有壞相 有佛錫杖白鐵作環栴

檀爲奇寶筒盛之近王恃力將入宮中尋復  
故處斯五聖迹王令五淨行者執侍掌護有  
須見者稅一金錢請印稅五科寶乃重觀禮  
彌繁閣西北塔小而多靈人以手觸其上鈴  
震動自此東南山谷中行五百餘里至

健陀邏國

北印度也

廣千餘里長八百里東臨信

度河都城周四十餘里少空荒寺有千餘所夫  
祠百所異道雜居

城內東北故基是佛

鉢寶臺經數百年今在波斯王宮供養城東  
南八九里畢鉢羅樹高百餘尺枝葉蒙密昔  
四佛坐下見有坐像傳云賢劫諸佛皆坐其  
下昔釋迦如來於此坐已告阿難曰後迦膩

色迦王集吾骨肉在此王後在南建塔基周  
里半金銅相輪二十五重或云四十層者舉  
高五百五十尺有舍利一斛初有化牧牛人  
林間造三尺小塔王擲棄之乃於大塔第二  
級下石基之側半現小塔疾者歸愈其大塔  
東面石陛上昔有金色蟻大如指小如麥相從  
齧石壁紋如鏤廁以金沙作二加趺佛像高  
四尺六寸又於南面石陛畫佛丈六之形昔  
有二貧人各施一金錢共畫一像請現神變像  
即現脅以上分爲兩身合下爲一次南百餘  
步白石佛像高一丈六尺面北放光夜出繞  
塔賊欲盜物像出迎之賊退像還大塔左右

小塔數百莊工極巧香音兩異仙聖旋繞佛  
記此大塔七燒七立佛法方滅已燒至三今  
現營構

西有故寺並前王所立諸

大論師世親菩薩如意論師脇尊者等造毗  
婆沙處寺東北五十餘里渡大河至布羯邏  
伐底城周十四五里東有四佛說法塔無憂  
王建之高數百尺雕鏤希世城北五里故寺  
東塔高數百尺即菩薩捨千眼處東有石塔  
高百餘尺梵釋初作妙珍瑩飾佛滅寶變今  
為石也又西北行五十餘里塔者是佛化鬼  
子母處又北五十餘里塔者是商莫迦菩薩  
此處被王射處又東南約二百里跋魯沙

此處被王射處

又東南約二百里跋魯沙

城北東二十餘里彈多落迦特即檀也山嶺上塔

是蘇達拏云善牙也棲隱之所婆羅門捶男女處

流血塗地今諸草木皆同絳色嶺間石室妃

習定處又西北行百餘里越小山至大

山南有一寺塔僧學大乘昔獨角大仙為女

亂處沙城東北五十里大山有大天祠祠

東南行百五十里至烏鐸迦漢荼城周二十

餘里南臨信度河從此城北越山行六百里至

烏仗那國北印度之正國也古謂烏長山谷相連周五千

里昔輪王苑也土宜鬱金香夾蘇婆窣堵河

王城周十四五里寺有一千四百所僧有一万

八千並大乘學今多荒少其習大乘統文略

義經律傳訓有五部焉一法密部二化地部  
三飲光部四說一切有部五大衆部天祠十  
餘異道雜居

王都曹揭釐城其東五里大塔多瑞是佛昔

作忍仙爲羯利

此語云

王肢解之處城東北二

百六十里入大山至阿波邏龍泉即前河源

也派流西南春夏合凍晨夕飛雪佛昔化暴

龍金剛以杵擊崖龍怖歸依諸佛放雨乃許

之令人收糧十二年一雨水災又泉西南三

十餘里水北岸大石上佛伏龍已留迹示之

隨心長短順流三十餘里有佛濯衣石袈裟

紋如鏤城南四百餘里醯羅山谷尋水逆流



東上花果緣崖或聞誼話音樂聲方石相接

是佛昔聞半偈捨身處城南二百餘里大山

側有摩訶伐那寺此去大林佛昔為薩縛達羅王

即一切施也失國避地為貧人故令縛送處寺西

北下山四十餘里有寺塔高百餘尺側方石

上佛足迹相放光照寺為天說本生處塔下

有石黃白津膩是佛昔為聞法折骨寫經處

又西七十里塔是佛昔為尸毗迦王此去與也割

身代鴿處又西二百餘里珊尼羅闍川薩

裛煞地言地藥也寺塔高八十尺佛昔為帝釋身

作大蟒僵死以施貧疫處側有蘇摩塔是佛

變為蘇摩蛇噉者病愈處川北崖塔病求多

愈又側有涌泉佛昔為孔雀王觜啄而出用

救疾處城西南七十里大河東塔高六十尺

是唄咀羅犀那言上軍也王所造佛令以舍利與

王分在河濱立塔王以白象負歸象變為石

城西五十餘里度大河有盧醯咀迦塔言赤也

高五十餘尺佛昔為慈力王刺血飲五藥叉

處城東北三十里遏部多言奇特也石塔高四十

尺佛為人天說法塔從地出現即存焉又

西度大河四十里寺精舍有阿縛盧枳抵云觀

也伊濕伐羅云自菩薩像即觀世音者感靈遠照

此西百五十里山嶺龍池周三十餘里王

城東北踰山谷逆上信度河途路極險乘絙棧

梁鎖棧躡隘千有餘里至達麗羅川烏仗那

舊所都也大寺中有刻木梅咀麗耶古云彌勒唐言

慈氏菩薩像金色晃朗高百餘尺末田底迦即末

田阿羅漢所造以通力引匠升覩史多即覿率也

天三返觀相乃成其好自有此像法方東流

也東行越嶺逆信度河履險飛梁五百餘里

度河又東度縛蒟河登危至

鉢露羅國周四千里大雪山中東西長寺數

百僧數千學師戒行多濫其國非印度所統

多冰雪其土出金如火色北對婆羅犀羅大

嶺還從健馱邏國烏鐸迦城南度信度河廣

四里許西南流清澄如鏡毒龍惡獸窟穴其

中有持舍利寶花者船多沉沒度河至咀叉

始羅國北印度也周二千餘里都城周十餘里寺

多僧少並大乘學 城西北七十餘里有

伊羅鉢龍池周百餘步池東南三十里兩山

間塔高百餘尺佛昔記慈氏興世四大藏者

~~此地~~出一故有振動斯周百步曾無一搖有

卷之二 言者一

欲發者地震人仆城北十二里塔於齋日常

放神光仙花天樂近有癩者於塔禮懺除穢

塗香不久便愈身又香潔昔佛為戰造羅鉢

刺婆王云月也以頭施剷凡經千施即塔名月

光也城東南山塔高十丈許按目王所治育

王為造 又東南越山谷七百餘里至

僧伽補羅國北印也周三千五百里西臨信度

河大城周十四五里城東五十里有石塔高

二十餘丈佛所遊處池沼十餘四色蓮花弥

覆其內從此南返至咀又始羅國北界度

信度河東行二百餘里度大石門是摩訶薩

埵王子捨身飼虎處東有寺僧百餘又南百

五十里石塔者薩埵以竹自刺血啗獸處地

及草木今猶絳色次北石塔高二十餘丈放

光開信病歸多愈又東五十餘里孤山有寺

塔高二百餘尺僧徒二百人並大乘學佛昔

化藥又不食肉處又東南山行五百餘里至

烏刺尸國北印也周二千餘里山阜相屬都城

周十八里不信佛法屬迦濕彌羅有佛塔高二十餘丈育王所造有寺僧少學大乘教又

東南登山乘鐵橋千餘里至

迦濕彌羅國

北印度也古曰罽賓

周七千里四面負山

雖有門徑狹而劣通城西臨大河長十三里廣四里許寺百餘僧五千餘人土出龍種馬

鬱金花珠有四浮屠各有舍利一升餘佛滅後

第四百年脇尊者年八十方出家證無學將

五百羅漢來此造十萬頌鄔波弟鑠釋素咀

纘截

即優婆提舍論修多羅截異名也

次造十萬頌毗柰耶

毗婆沙論次造十萬頌阿毗達磨論凡六百

六十万言備釋三藏新城東南十餘里故城

北大山陽寺塔僧徒三百人佛牙長寸半色黃白齋日便放光 又南十五里有觀自在菩薩立像有願見者斷食便覩

王城西北二百餘里至商林寺

城西百五十里大河北接山有寺僧百餘人從此西南越山行七百餘里至

半笈蹉國北印度屬周二千餘里寺有五所多

山川東南行四百餘里至

遏邏闍補羅國非正北印度乃荒服國也周四千餘里都

城周十餘里寺十所僧甚少天祠一所外道甚多自濫波達此形體鄙薄非印度之正境也從此下山東南而行並是大川達遠無畔

唯以河國而分界部雖有小山並是孤任自  
此以北通連雪山連達神州涼部以南諸雪  
山也案此山亦即贍部之巨鎮地者也於此  
城東南下平度水行七百餘里至

磔迦國

北印度也

周万餘里東據毗播奢河西臨

信度河都城周二十餘里俗少信佛多事天

神寺有十餘天祠數百城西南十五里奢羯

羅故城寺塔高二十餘丈昔四佛說法經行

處又西北六里許塔高二十餘丈亦四佛說

法處 新都城東北千餘里石塔高二十餘

丈多有舍利齋日放光東行五百餘里至那

僕底國

北印度

周二千餘里都城周十四五里



寺十天祠八城東南五百餘里至闍林寺周  
二十餘里佛舍利塔數百千區并石室等僧  
有三百人小乘說有部也德行清高小學之  
博賢劫千佛並此說法釋迦滅後第三百年  
迦多衍那延迦旃也於此造發智論寺塔高二十  
餘丈有四佛行坐迹處從此東行百五十里

至

闍爛達那國

北印度也

東西千餘里南北六

百里都城周十餘里寺有五十餘二千餘人  
大小專門天祠三所外道五百人東北越山  
七百餘里至

屈露多羅國

北印度也

山周四境都城周十四五

里寺二十餘僧千餘人多大乘學天祠十五

異道雜居出火珠雨石俗癯且燿城內有塔

記佛曾遊於此說法自斯北行近二千里山

路危險至洛護羅國北印度也又北山行二千餘

里雪寒更甚達秣邏娑國又名三波訶非印度攝又從窟

露羅南行七百餘里越山濟河至

設多圖盧國北印度也周二千餘里西臨大河都

城十七八里佛法大盛城內外寺十所僧亦

少耳城東三里塔高二十餘丈育王所造傍

有四佛行坐迹自此西南行八百餘里至

波狸夜咀羅國北印度也周三千里都城周十

五里寺有八所僧亦少耳俗信外道天祠十

所異道千餘土有稻種六十日收東行五百

餘里至秣菟羅國

中印度也古

周五十餘里

都城二十餘里寺二十餘僧二千餘人大小

兼學天祠五所異道雜居士植菴沒羅果小

者生青熟黃大者始終青色城中三塔四佛

遺迹甚多及舍利子沒特伽羅子

謂目捷

滿

慈子

富樓那也

優婆釐

優波離也

阿難陀羅怙羅曼殊

室利等諸塔每三長月六時諸僧尼集阿毗

達磨衆供養舍利弗塔習定衆供目捷連

塔誦經衆供滿慈塔毗柰耶衆供優波釐塔

居衆供阿難塔末具衆供羅怙塔大乘衆供

諸菩薩塔尋斯諸塔不必遺身但立像設供

用呈心造如羅怙文殊未取滅度則可知矣

城東六里有山崖寺是尊者烏波鞠多

去近護也

之所造也有佛拍爪塔寺北石巖室高二丈

廣三丈細籌四寸填之近護導夫妻俱證羅

漢者送一籌乖此不在室記

又室東南二

十餘里大涸池側有塔佛曾遊此有獼猴持

蜜施佛佛令水和遍眾同飲猴喜墮坑而死

便生天中池北林中四佛經行處大有遺迹

又東北五百餘里至

薩陀泥濕伐羅國

中印度也

周七千餘里都城周

二十餘里寺有三所僧七百人皆小乘者天

祠百餘異道甚多城西北四里塔高二十餘

丈舍利一升時放大光城南百餘里至佛寺又

東北四百餘里至

率祿勒那國

中印度也

周六千餘里少荒東境臨

殍江河

恒即古河

北接大山城東南閻牟那河從

國西北山中出中境而流都城周二十餘里

東臨閻牟河寺有五所僧千餘人多小乘學

天祠百餘異道甚多河西大寺東門外塔佛

曾於此說法度人其側有佛髮爪塔閻牟河

東八百餘里至殍伽源廣三四里東南入海

廣十餘里水色滄浪味甘砂細隨水而流俗

謂福水有沐除罪或有輕命自沉云生天受

樂有僧伽羅國提婆菩薩化外道受正法處

度河東至

秣底補羅國

中印度

周六千餘里都城周二十

餘里不信佛而敬天寺有十餘僧八百人多

小乘者天祠五十餘異道雜住國西北境

兢伽東岸摩裕羅城周二十餘里出鍮石水精

城側臨大河有大天祠多有威靈有池編石

為岸引河為浦五印度以為兢伽河門生福

滅罪處常有百千人澡濯從摩裕北行三百

里至

婆羅吸摩補羅國

北印度

周四千餘里山周四

境都城周二十餘里寺五僧少天祠有十異

道雜住國北大雪山有蘇伐刺拏瞿咀羅國

言金也出上黃金東西地長即東女國非印度

攝又即名大羊同國東接土蕃西接三波訶  
北接于闐其國世以女爲王夫亦爲王不知  
國政男夫征伐種田而已又從未底補羅國  
東南行四百餘里至

瞿毗霜那國

中印度

周二千餘里都城十四五

里寺二所僧百餘人而習小乘天祠三十餘  
異道雜住城固險峻其側古寺塔高二十餘  
丈佛曾於此一月說法有髮爪二塔各高丈  
餘旁有四佛坐迹又東南行四百餘里至

聖醯掣咀邏國

中印度

周三千餘里都城周十

七八里寺十餘所僧有千餘習小乘正量部  
天祠有九外道三百餘人城依險固其外池

側佛為龍說法七日處立塔側有四佛行坐  
迹立塔表之又南二百七十里度殽伽河西

南至

毗羅刪拏國

中印度

周二千餘里都

城周十餘里信外道少敬佛法寺三所僧徒  
三百人皆大乘學天祠五所城中寺塔高十  
餘丈佛曾於此七日說蘊界法四佛行坐遺

迹尚存於此東南行二百餘里至劫比他國

中印度古  
僧伽舍也

周二千餘里都城周二十餘里寺

有四所僧千餘人天祠十所同事大自在天

皆作天像其狀人根形甚長偉俗人不以為

惡謂諸衆生從天根生也城東二十餘里大

寺中僧數百人淨人數萬頭皆宅寺側大垣



內有天帝造三寶階中階黃金左以水精右  
用白銀南北而列東面下地是佛從逝多林  
即祇陀林昇天善法堂為母三月說法下降處百

年前階尚在今並沒盡後王倣之猶高七十  
餘尺上起精舍側有石柱光潤映現隨其罪  
福影出柱中育王所造階側浮屠四佛行坐  
迹也 佛澡浴處立塔其所有

佛入室精舍又其側佛經行石基長五十步  
高七尺足所履處皆蓮花文其左右小塔梵

王所造 次前是蓮花足化為輪王先見

佛處佛告足曰非汝先也有蘇部底須菩提也宴

坐石室知諸法空見吾法身 次東南池

有龍居焉恒護聖迹不可輕犯從此西北減  
二百里至

羯若鞠闍國

中印度曲女城也

周四千餘里都城西

近殽伽河長二十餘里廣四五里邪正相半  
寺百餘僧徒盈万大小兼學天祠二百餘所  
異道數千人即統五印度之都王也号尸羅

迭多

言戒也

吠奢姓初欲登位殽伽岸有觀自在

像乃請之告曰汝本此林蘭若比丘金耳月  
王旣滅佛法王當重興愍物在懷方王五境  
慎勿昇師子座及稱大王号也王乃共童子  
王平殽外道月王徒衆又約嚴令有噉肉者  
當截舌殺生當斬手乃與寡妹共知國事於

苑伽側建千浮屠各高百餘尺城邑鄉聚達  
巷交衢立精舍儲食止醫藥惠羈貧聖迹之  
所皆爲立寺二十年來五年一會傾及府蒞  
拯濟群有唯留兵器用備不虞初作會日集  
諸國僧三七日中四事供養令相論議若戒  
行貞固道德優洽者昇師子座王便受戒清  
淨無學示有崇仰穢行彰露者驅出國界諸  
有王臣植福無怠者携手同坐異此不顧王  
巡省方俗不常其居行必四兵導引嚴設沉  
舟乘象擊鼓吹螺象軍八万以威四遠唯兩  
三月不外遊行宮中每日飯諸沙門僧有千  
人婆羅門五百日分三時一時理務兩時營

福又絕血食日例一頓於河西寺東起寶臺  
高百餘尺中有等身金像次南起寶壇浴佛  
像處於此東北十五里許別築行宮從寺至  
宮夾道爲閣窮諸彫飾樂伎不移迤奏而已  
又以三尺隱起金像載以大象寶幃其上王  
爲帝釋像執寶蓋左侍有迦摩縷波國拘摩  
羅王言童子也作梵王像執拂右侍各五百象軍  
被鎧同衛前後各百大象樂人於上敲奏音  
聲戒日王又以真珠雜寶金銀諸花隨出四  
散供養三寶其五印度尼寺希少縱有尼者  
與僧同門食亦同處無虧戒約然童子王刹  
帝利姓語使人李義表曰上世相承四千年

先人神聖從漢地飛來王於此土城西北塔  
育王所造昔佛於此七日說法其側有髮爪  
塔四佛行坐迹又南臨苑伽河三寺同垣異  
門佛像嚴麗佛牙長寸半光色變改寶函盛  
之遠近瞻者日有百千守者煩撓重稅金寶  
而樂禮者不辭重貨齋日便出置高坐上散  
花雖積牙函不沒寺僧清肅淨人數千戶寺  
前左右精舍高百餘尺石基甃室中象寶莊  
或純金銀 次東南大精舍石基甃室高  
二十餘丈是佛六月說身無常苦空不淨處  
又有四佛行坐迹在城東南六七里苑伽南  
岸上 城東南百餘里有納縛提婆城

據說伽河東岸三寺同垣異門周二十餘里  
次前二百餘步塔高二十餘丈佛曾七日說  
法處中有舍利時放光明其側四佛行坐迹  
寺北四里臨說伽岸塔高二十餘丈佛曾七  
日說法五百餓鬼解悟生天其側又有髮爪  
塔次側又有四佛行坐迹又東南行六百餘  
里度說伽河南至

阿輸陀國

中印

周五千餘里都城周二十餘

里寺有百餘僧三千餘人大小兼學天祠有

十異道少耳城中故寺是伐蘇畔度菩薩

言世親也

數十年中作大小乘論處城北五里說

伽岸大寺中塔高二十餘丈佛為天人三月

於此說法側有佛塔四佛行坐迹寺西五里有佛髮爪塔 城西南五里大菴沒羅林

中故寺是阿僧伽菩薩

云無著也

夜昇天宮於慈

氏所受瑜伽莊嚴大乘經論及中邊等書為衆說 林西北百餘步佛髮爪塔自此東行三百餘里度殞伽北至

阿耶穆佉國

中印度

周二千五百里都城臨河

周二十里寺五所僧千餘人習學小乘天祠

十所異道雜居

城東南臨殞伽塔高二十

餘丈佛曾三月說法處有髮爪青石塔有四

佛行坐迹

又東南行七百餘里度殞伽

河南閻牟那北至

鉢羅伽耶國

中印度

周五千餘里都城據兩河

交周二十餘里寺二所僧少天祠數百異道特  
多城西南臨閻牟河曲二三千里東北流合  
間有瞻博迦花林中塔高十餘丈佛曾於此  
降外道處有髮爪塔經行迹又有提波菩薩  
作廣百論處

城中天祠堂前大樹枝葉

蒙密食人鬼依之左右遺骸爲積人至祠中  
無不輕命上樹投下爲鬼所誘

城東兩河間交廣十餘里土地平塏細沙弥  
布古今王豪諸有捨施莫不止焉号大施塲  
戒日大王亦修此業塲東合流口日數百人  
自溺而死彼俗名爲生天所也有欲行法七



日於此絕粒自沉中流遠近相趣乃至山後  
野鹿群遊水濱絕食沉水當戒日王行施之  
時有二獼猴雌為狗煞雄者負尸擲此河中  
其又自餓累日而死自此西南大林野行五  
百餘里至 憍償彌國 中印 周六千里都城  
周三十餘里寺十餘僧三百餘人天祠五十

外道衆多

城內故宮大精舍高六十餘

尺刻檀佛像上懸石蓋即邬陀衍那王

古優陀延

也唐云

之所造也靈光間起諸王以力欲舉

終莫之移昔佛為母上天說法王請目連神  
力接工就天摸相及佛下天像便起迎佛慰  
喻曰方為佛事舍東百餘步四佛行坐迹佛

浴室井今猶充汲 城內東南隅具史羅長者宅有佛精舍髮爪塔其大塔側又有四佛行坐迹 城西九里石窟佛曾遊此伏毒龍也側有大塔高二十餘丈旁有佛經行迹及髮爪塔病求多愈釋迦遺法滅在此國貴賤入境自然感傷窟東北大林中行七百餘里度殞伽北岸至迦奢布羅城周十里許是護法菩薩伏外道處塔高二十餘丈佛曾於此六月說法有經行及髮爪塔自此行一百八十里至

鞞索迦國 中印 周四千餘里都城周十七里寺二十僧三千人天祠五十外道巨多城南

道左右寺塔高二十餘丈佛曾於此六年說  
法側有奇樹高七十尺春冬不改是佛齒木  
棄而茂生諸邪見者競來殘伐尋生如故側  
有四佛行坐迹并髮爪塔基角相連林池交  
影自此東北五百餘里至

室羅伐悉底國

中印度即舍衛也

周六千餘里都城

荒毀故基周二十餘里寺數百僧徒少天祠  
百餘外道甚衆 荒城故殿東基上小塔是

鉢羅犀那恃多王

古云波斯匿唐言勝軍也

為佛造堂處

次側故基上塔是王為佛姨母鉢羅闍鉢底

古云波闍波提此云生主

比丘尼造精舍處次東塔是蘇

達多

云善施也

之故宅也側有大塔是鴛婁利摩

羅

言指

捨邪處也城南六里許逝多林是給

孤園太子所造寺也今荒廢尚有石柱高七

十餘尺育王造之甄室一存餘並湮沒室中

有爲母說法金像東北有佛洗病僧塔西北

有目連舉身子衣塔不遠共塔佛所級用又

舍利弗與佛經行道說法處並有表塔靈樂

異香常降其所又外道殺女以謗佛處立塔

表之寺東百步大坑是調達欲毒害佛生陷

處南有大坑是瞿伽離比丘毀佛生陷處

又南八百步大深坑是戰遮婆羅門女毀謗

佛生陷處此三坑皆洞達無底洪雨大注終

無停偃

寺東七十步精舍名

日影覆高六十尺中有東面坐像與外道論  
處 次東天祠量同精舍初日影西不蔽  
佛舍晚日蔭東遂覆天祠

又東四里大涸池是毗盧釋迦王

舊云留  
離也

陷

入地處後人立塔記之  
時與外道較處亦立塔記

又有身子初造寺  
寺西北四里有

得眼林中有佛經行迹塔其緣勝軍王扶五  
百賊眼聞佛慈力一時平復捨杖遂生眼根城  
西北六十里故城是人壽二萬歲時迦葉波佛  
本生處其北有塔即此佛全身舍利之所育  
王造表之 又東南行五百餘里至

劫比羅伐窣堵國

中印度古云  
迦毗羅也

周四千餘里

空城十數並無人住宮城周十五里許以甃成之故寺千餘宮城一寺僧三十餘天祠二所外道雜住城內正殿基上精舍中作王像其側是摩訶摩耶言大術也夫人寢殿基上精舍作夫人像其側精舍中作菩薩像神降之相彼執不同上座部云當唐國五月十五日諸部又云當此五月八日此蓋聞見之異耳其側有仙相塔城南有塔是太子搆力擲象越城墮地爲大坑處側有精舍作太子像及受業像其傍精舍是妃寢處作耶輸陀羅并羅怙羅像別本云太子初夜開城北門出去又城東南隅精舍中作太子乘

白馬乘空踰城處

四城門各有精舍作

老病死沙門像

城南四里丘拘盧林塔佛

得道與天人說法之所

城南五十里故城

中塔是人壽六萬歲時迦羅迦村馱佛本生

城城東南塔即此佛遺身也無憂王於前建

石柱高三丈餘

又東北三十餘里故城中

塔是人壽四萬歲時迦諾迦牟丘佛本生城

城東北塔即此佛遺身也無憂王為建石柱

銘記之高二丈餘

城東北四十餘里有

太子坐樹下塔

大城西北數百千塔是誅釋子塔有四釋子

拒軍城人不受被放出境一為烏仗王二為

梵衍等王至今不絕

城南尼拘律樹塔是佛初來見父王處城南門外塔是搆射處東南三十餘里是太子射矢沒地因涌泉流俗傳箭泉病飲多愈或持泥傅額隨苦皆愈

又東北九十里臘伐尼林釋種浴池花水相映其北二十五步無憂花樹今已枯悴佛誕處也有說云當此三月八日者上座部云當此月十五日者

次東有塔二龍浴太子

處是日生已不扶而行四方各七步所蹈之處出大蓮花旣右脇生天帝衣接四王捧之置金几上凡施四塔并立石柱表之旁有小



河東南而流俗号油河是太子產已天化此地光潤令沐以除風虛令變水河尚膩如油從此東行二百餘里荒林中至

藍摩國

中印度

多空城東南佛塔減百尺昔初

八分之一舍利也靈光時起側有清池龍變為蛇出繞其塔野象採花以散之無憂王欲開龍護不許

又東大林百餘里大塔是太子至此解寶衣中末尼珠付闍鐸邊還父王處

又東有贍部樹枯株尚存有小塔是太子以餘衣易鹿皮處其側塔者剃髮處年自不定或云十九二十九者

又東南野行百九十里左拘陀林塔高三丈  
餘昔人於佛焚地收餘灰炭於此起塔病者  
祈愈有四佛行坐迹塔高百餘尺左右數百  
小塔

又東北大林路險五百里至拘尸那揭羅國  
中印城頽荒人物少也內東北角塔是准陀

故宅其井猶美營供所穿城西北四里度阿  
恃多伐底河此云有金也近西岸娑羅林兩  
林間相去數十步中有四樹特高大甄精舍  
中作佛涅槃像北首而卧旁塔高二百餘尺  
前有石柱記佛滅相有云當此土三月十五  
日者說有部云當此九月八日諸部異議云

至今貞觀二十年則經一千二百一十二年  
矣此依菩提寺石柱記也或云千三百年或  
千五百餘年或云始過九百未千年者精舍  
側有佛昔為雉王救火及鹿救生各立一塔  
次西塔者是蘇跋陀羅言善賢也滅證處次有一  
塔是執金剛神躡地處次側一塔是停棺七  
日處次側一塔是阿泥樓陀上天告母降來  
哭佛處 城北度尼連禪那河三百步塔  
者是佛細疊般那言焚燒也處也地今黃黑土雜  
炭有祈感者咸獲舍利次側一塔佛為大迦  
葉波現雙足處次又一塔前立石柱刻記八  
國分舍利事此西南行二百餘里至大邑又

大林行五百餘里至娑羅痾

女廝國古印度

也。周四千餘里。都城西臨菟伽河。長減二十

里。廣六里許。人居盛滿。多信外道。寺三十餘

僧三千餘。並小乘。正量部。天祠百餘。外道万

餘。多事大自在天。根也。大城中天祠二十所

天。根高百餘尺。城東北娑羅痾斯河。西塔育王

造高十餘丈。前立石柱。碧鮮現佛

河東北十餘里。鹿野寺也。區界八分。連垣同

堵。層軒重閣。僧徒一千五百人。並小乘。正量

部。有佛圖高二十餘丈。甄龕四合。節級

百數。皆隱起金像。鑰石佛等

次西南塔高百餘尺。前有石柱高七十餘尺

洞澈清淨誠感像現隨其善惡即成道已初  
轉法輪處其側三塔即昔三佛行坐處傍有  
諸塔五百獨覺入滅處又側一塔慈氏菩薩  
受記處

又西一塔是佛過去爲護明菩薩迦葉波佛  
授今成佛處

次南四佛經行處長五十

步高七尺青石積成上作釋迦經行像像形  
特異肉髻上鬘髮頭抽出神而有徵寺迹極  
多精舍浮屠乃數百事不可具也寺西清池  
周二百步佛嘗盥浴

次西小池佛嘗

滌器次北小池佛嘗浣衣三池龍止味甘且  
淨有慢觸者金毗羅獸即而害之側有方石

上有佛袈裟文迹外道凶人有輕蹈者池龍  
輒興風雨 側有浮圖佛曾作六牙象王見  
獵者法衣故拔牙與處 側又一塔佛昔爲  
烏與獠猴象相問誰大處

又大林中塔佛與調達昔爲鹿王佛代孕鹿  
命處鹿野之号因而生焉

寺西南三里大塔高三十餘丈基峙壯麗側  
又一塔是五人迎佛處

大林東三里塔者佛昔爲兔與諸獸聚自知  
形小燒身饋之因感天帝下贄故使月輪有  
兔像現寺東順琬伽河三百餘里東至戰主  
國中印周二千餘里都城臨琬伽河周十餘

里人盛滿寺十所僧減千人並小乘天祠二十所異道雜居城西北寺塔佛舍利一升昔佛於此七日說法并四佛行坐迹有慈氏菩薩像形小而威德大城東北二百餘里至阿避陀羯刺拏寺云不因緣北方僧也寺東南度旃伽河百餘里至大邑河北岸那羅延天祠重閣甚麗又東南三十餘里有降鬼塔半已陷地前建石柱高二丈餘即佛爲敢人鬼說法處鬼置石坐千數茂林清池不遠數寺皆有僧任學大乘者又東南度河百餘里塔者即分舍利瓶及餘舍利也每齋日放光又東北度旃伽河百五十里至

吠舍釐國

云中印度古毗舍離

周五千餘里邪正兼半

寺數百現存五三僧少耳天祠數十露形多

矣城已頽毀故基周七十許里宮城周五里

許少人居住宮城西北六里寺塔是說淨名

處又東身子證果塔又東大塔是王得一分

舍利一斛許無憂王取九升均造餘塔後更

有王欲開地震遂止西北有塔石柱高六丈

次南獼猴為佛穿池池西羣猴持佛鉢上樹

取蜜處池南猴奉蜜處各有塔記寺東

北四里許塔是淨名故宅基尚多靈神其舍

壘軌傳云積石即說法現疾處也近使者王

玄策以笏量之止有一丈故方丈之名因而



生焉 并長者寶積宅菴羅女宅佛姨母  
入滅處皆立表記 寺北四里塔佛將往  
拘尸城天人送泣處次復一塔是佛最後觀城  
邑處 次南是菴羅女以園施佛處其側  
一塔是佛三告阿難住壽涅槃處又側一塔  
是千子見父母處即賢劫千佛也

東故重閣講堂基塔時放光明是佛說普門  
經處城西北六十里大塔是佛別栗咭婆子  
處 大城西北減二百里故城塔佛說本  
生曾於此為大天輪王事 國城東南十  
五里大塔是七百賢聖重結集處又南減百  
里大寺層臺重起僧學大乘四佛行坐迹側

又一塔是佛南趣摩揭陀北顧吠舍釐城中  
息迹處

寺東三十里苑伽河南北岸各一塔是阿難

陀分身與二國處從北岸東北行五百餘里至

弗栗恃國

北印度也  
謂三伐恃人

周四千餘里東西長

寺十餘僧減千人大小通學天祠數十外道

衆矣故宮城中有三千家苑伽東北岸塔高

二丈餘南望長流佛度五百漁人處由捕得

大魚十八頭頭各兩眼也又東北百餘里

故城西塔高百餘尺佛嘗六月說法度人又

北百五十里佛髮爪塔又西北千五百里入

山谷至

尼波羅國

北印

周四千餘里在雪山中都城

二十餘里雜信寺及天寺極多僧二千餘人  
大小兼學王純信佛城內有閣高二百餘尺  
周八十步上容萬人面別三疊疊別七層徘徊  
四度刻以奇異珍寶飾之城東南不遠有  
水村東一里許有阿耨波沱水周二十步  
旱澇湛然不流常沸家火投之遍池火起煙  
焰數尺以水洒火火更增熾碎土以投亦即  
然盡無問投者並成灰燼架釜水上煮食立  
熟云此水中先有金匱前有國王將人取之  
匱已出泥人象挽之不動夜神告曰此是慈  
氏佛冠下生擬著不可得也火龍所護城南

十餘里孤山特秀寺居重疊狀若雲霞松竹  
魚龍隨人馴附就人取食犯者滅門比者國  
命並從此國而往還矣今屬吐蕃又從吠舍  
南百五十里度兢伽河至摩揭陀國即常所  
謂摩竭提王舍城也

釋氏方誌卷上

仙

誌

音志

識

洽

侯爽

反

澆

俗

上古堯

堤

封

音

膜

胡上

禮拜

也

輸

琛

下

勅今反

贄

音至

禮

候

所

執

有

西

狩

獵行也

反

崐

丘

音

羸

莫侯

也

臨

下

洮

水出

空

峒

音同

崕

下

隴

反

反

勇

創

楚狀

反

日

磧

音但

亘

反

徧

鄧



崑反下音躁烈反上煩到突厥之徒骨反北狄

皇地名也與宜反吉帝也蒼頡時人胡結反鳥跡象

伏羲始下畫八卦制婚禮也咀倉上七浪反達觀反鳥跡象

道板上助諫反積砂亦反沮沫又七慮反尼壤

兩反汝干遁下徒媿摩足計反鄔衍反上一古

演全塵蒲悶反大埠回反綌紵佇古狹反即漆布

為屈支上勿反居蝟鼠其毛如刺齧吾結反餒伽

上力崖崩下上作崩非沮渠魚反匾匿反上卑典

兮反薄偉大鬼反白鑿石似玉也壘崗音剛與

脊也齧鹵魯下音屋犀西正護侃反苦旱鐸郟各反徒

下恐是咽摩器上許訖栗日反良越峻下雖曹健

割字莫遏反烏葛鑿冰昨上音漕矩下上俱羽反反藉那

有反莫遏反烏葛鑿冰昨上音漕矩下上俱羽反反藉那

上賜于反下刺拏上郎達反牝馬反上毗忍

如箇反 懶候上魯孔反下今帝反馴駕上音旬馬馭也

乘御上音驍勇上堯反古怡釐上音戶下捷割去牛反

勢也 欵許勿反赭衣上音者持瓠瓜音戶越旦羅

上丁達反反乃古怖悍世上就經作敷汗率覩上蘇

反骨瑟色音颯末上蘇合反反弭末上緬屈霜上居

下聲去 喝捍上呼葛反門扉下音非鄂衍各上吾

下音 愉漫上羊朱反反珂咄上苦何反反泯緬忍

忽慄下力 瑩紆定反反戟居力反反澡餅下音早

煜燿上余六反反明也掃帚上思到反反伽胝下環

却崎下丘 銳末上羊紇反恨沒揭職上其

陵阜下音婦也 偷石上音絳色也赤績字音緝

也 仆 蒲北反 弱 齡 下音令 亂 齒 上昌謹反

也 齒 綦 紆營反 嚼 咀 約也 瀑布 山泉也 鱗 僵 朗 上母罕古

也 反 柄 睽 失漆也 珊 尼 干反 哀 煞 侯反 步 鱗 僵 朗 上母罕古

也 大 蛇 也 彊 下音薑 策 啄 音卓字 下 盟 但 烏 沒 反 達

反 枳 扞 下上 居 止 反 絙 棧 上 古 登 反 大 索 也 棧

音 翼 椿 也 躡 蹙 下 都 鄧 反 梯 反 晁 朗 廣 反 胡

也 明 薩 埵 下 丁 剛 虎 上音寺 啗 徒濫反 正 鄔

一 古 鑠 反 詩 若 但 纜 下 郎 淡 反 磔 迦 上 知 瘦 領 一

反 項 下 種 時 勇 反 波 狸 下 力 秣 菟 下音 婆 釐

下 力 逋 必 胡 鞠 多 上 渠 反 涸 池 枯 音 鶴 牟 挪 下

可 聖 醯 呼 上 音 惡 下 掣 但 列 反 尺 刪 拏 上 所 間 反

長 偉 反 下 大 也 垣 音 園 宇 羈 貧 反 上 孤 居 也 汎 舟 方 上

鬼 兮 反 惡 下 掣 但 列 反 尺 刪 拏 上 所 間 反 汎 舟 方 上



梵寶幘丁許偃反 軌音專 藉子智反 平墘改昔

反開也 犀那西上音 鴛婁主反其 湮沒上也音因 沉

明也 停偃於下正作堰 扶挑紆使反 搆射比上音角也 夫百式

反箭也 臘伐上郎反 灰燼下徐刃反 闡鐸上昌反

俗作夫也 各反徒頹荒上徒回 雉野直二反 擗地上皮益反

仙釋通方誌卷上

四十二

安祥

堵音園 觀二 軌音專 瓦也 下 鏞石上音

洞澈列下丑反 鬚所交反 盥浴上音貫 正 滌器上徒

的也 基峙反下直里 饋求位反 壘軌反上倫水 笏

音忽象齒為 栗上良吉反 下昌 廈音下屋

也 諸侯所執 早滂下郎到反 釜音父

帝上今反 早滂下郎到反 釜音父

